



Aqqalu C. Jerimiassen
Atassut

UKA 2021/161
10. november 2021

Nunamiu kapisilinnik tukertitsivinnik pilersitsisoqarsinnaalernissaanik periarfissassat suunersut pillugu Naalakkersuisut UKA2022-mut Nalunaarusioqullugit Inatsisartut aalajangiiffigisassaattut siunnersuut.

(Inatsisartunut ilaasortaq Siverth K. Heilmann, Atassut)

Inuussutissarsiutit nutaat isertitsivigineqarsinnaasut aatsaat taamak pisariaqartitsigaagut ukiuni makkunani.

Soorlumi siunnersuuteqartup nammineq oqaatigiuraa, inuussutissarsiutit nutaat ugartortariaqarigut.

Kapisilinnik tukertitsiveqarnek nunani allani inuussutissarsiutaavoq mikigisassaangivissoq, inuiaqatigiillu aningaasarsiornerannut malunnaateqangaartumik aallullugu ingerlataasoq.

Uagulli maani nunatsinni tamassumunnga annertungaartumik kinguussaaqqavugut.

Ukiuni tullerni aningaasamiileraluttualerfissatsinni periarfissaasut pimoorulluinnarlugit ingerlattariaqalerpagut, imatullu siunnersuutit ittut qataginnartissallugit pissutissaqanngilluinnarluta.

Aalisarnek ukiorpassuarni inuiaqatigiittut ingerlanitsinni aningaasarsiorfittut kisiinnapajaami isumalluutaasimaqaaq, tamannalu allamik saniatigut peqaleriartuaassappat periarfissat ammaatiortortariaqarneri piffissami aggersumi sukkasuumik ingerlattariaqarpagut.

Naalagaaffeqatigut ataatsimiitsitaliamit ilinniarfingalugit pereersimavagut, Savalimmiut tukertitsiveqarnikkut siuarsimalluinnarluni ingerlasoq inuussutissarsiornermut ataatsimiitsitaliamit, taamatuttarlu aalisarnermut ataatsimiitsitaliamit paasisassarsiorfigineqarluni angalaffigineqareernikuuvoq qiningaaffiup siuliani.

Tukertitsiveqarnermullu periarfissattaq siuarsarnekarnissaannut suliat sukkasuumik ingerlassappatattaq, inuussutissalerinermut oqartussaaffiup pimoorullugu nunatsinnit ingerlatilerneqartariaqarnera avaqqukkuminaappoq.

Aningaasarmi avataanit pilersittariaqarparput, innuttaasut kaasarfiiniunngitsoq.

Siunnersuut taamak ittoq kivisiinnarusunnangilaq, pimoorullugulu sukkasuumik aallartinneqartariaqartuusutut Atassummiit isigigatsigu tamakkiisumik taperserlugu Aalisarnermut piniarnermullu ataatsimiitsitaliamut, taamatuttarlu Inuussutissarsiornermut ataatsimiitsitaliamut innersuupparput. Suliamimi taamak ittumi nutaajusinnaasumi ataatsimiitsitaliat akimorlugit sulisoqartariaqartoq Atassummiit isumaqaratta.